

**Suliffeqarfimmik pitsaasumik aqutsineq pillugu
GrønlandsBANKENip nassuiaataa.**

Kalaallit Nunaanni Corporate governance

GrønlandsBANKENip selskabitut børsenimi nalunaarsorsimasutut kissaatigaa danskit selskabii børsenimi nalunaarsorsimasut assigalugit corporate governance-imut ilisarnaasersimanissaq malerusuppaa. Ukiumoortumik naatsorsuuserisarneq pillugu inatsisip § 107 b Danmarkimut atuuttoq Kalaallit Nunaannut atuutilersimanngilaq, taamaakkaluartoq GrønlandsBANKEN corporate governance-imi inassutaasut malerusuppai. Immersugassap inassutitigut oqaasertai inassutit taarsinngilaat, selskabinillu pitsaasumik aqutsinissamut inassutigisaasut innersuussutigineqarput aallaqqaasiut, aallarniut oqaaseqaatillu eqqarsaatigalugit.

Skemap ataaniittup imarivai Komitéen for god Selskabsledelses-ip inassutigisaanik 6. maj 2013-imeersunik november 2014-imi nutarterneqarsimasut. Inassutigisaasut Komitéen for god Selskabsledelsep nittartagaani takuneqarsinnaapput; www.corporategovernance.dk. Nasdaq OMX Copenhagen A/S aktiaatinik suliarinnittartunut Maleruagassani 1. juni 2013-imeersuni inassutigisat ilanngutissallugit aalajangersimavoq.

“Maliguk imaluunniit nassuiaruk”

Ukiumoortumik naatsorsuusiortarneq pillugu inatsisimmi Danmarkimut atuuttup § 107 b, imm. 1, nr. 3-mi allassimavoq, selskabip inassutigisat ilaat avaqqutissallugit aalajangeruni selskabi tamatumunnga peqqutaasoq oqaatigissavaa. Ukiumoortumik naatsorsuusiortarneq pillugu inatsisip § 107 b-iat Kalaallit Nunaannut atuutilersimangilaq, taamaammallu aningaaseriviup Ukiumoortumik naatsorsuusiortarneq pillugu inatsisip § 107 b, imm. 1, nr. 3 nammineq piumassutsimik malippaa. GrønlandsBANKENip ilisimatitsissutigissavaa, inassutigisaq aalajangersimasooq soq malinneqarsimanginnerseq, tassungalu taarsiullugu qanoq iliorsimanerluni. Inassutigisamik malitsitsinngitsoorneq malittarisassanik uniuinerungilaq, ersersitsiinnarporli aningaaseriviup siulersuisui aalajangersimammata allatut inassutigisap malinnissaanut allatut iluarsiniarlutik. Niuerfiit aalajangissavaat tunngavigisaq akuersaarneqarsinnaanersoq, nassuiaallu naammaginarnerseq. Nassuiaat pitsaasoq soqutigisalinnut aalajangersimasumik paasisitsissapput aningaasalersuisinnaanerminnut isummersinnaanerminnut. Taamaammatt aningaasalii sunut pisariaqartumik paasinarsaanermik pilersitsiniarluni aningaaserivik inassutigisanut tamanut malitsitsissaaq, ilisimatitsissutigalugulu aningaaseriviup inassutigisaasoq pineqartoq malinnerlugu malinnginnerluguluunniit.

Nalunaarusiornerup piffissami naatsorsuutiniq saqqummiussinerup nalaani aqutseriaaseq atuuttoq ilisarnaatigissavaa. Ukiup ingerlanerani imaluunniit naatsorsuutit naammassinerisa kingorna pingaarutilinnik allannguisoqarsimassappat, selskabimik pitsaasumik aqutsineq pillugu nalunaarusiornermi nassuiarneqartariaqarpoq. Aningaaseriviup inassutigisat ataasiakkaat malinnissaat pingaaruteqarpoq.

Inassutigisaq GrønlandsBANKENip ilaannakortumik malissimappagu aningaaseriviup suut malissimanerlugit allassavaa, kiisalu inassutigisat sinneri saneqqutsisimasut kiisalu tassunga taarsiullugu qanoq iliorsimanerluni.

GrønlandsBANKEN saniatigut paasissutissanik saqqummiussiniarluni aalajangersimavoq, aamma aningaaseriviup inassutigisaq aalajangersimasooq sukut malissimanerlugu. Tamanna komitéep inassutigisaanut uiggiutaavoq.

PKT. 1: Suliffeqarfimmik aqutsinermut najoqqutassat

GrønlandsBANKEN selskabitut Nasdaq OMX Nordicimi nalunaarsorsimasutut selskabinik pitsaasumik aqutsinermut inassutigisaanut ilaavoq, Komitéen for God Selskabsledelsep nittartagaani takuneqarsinnaasoq; www.corporategovernance.dk.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
1. Selskabip aningaasalersuisuinit soqutigisalinnullu allanut selskabip attaveqanera peqatiginninneralu				
<i>1.1. Selskabip, piginneqatigiit soqutigisallillu allat akornanni oqaloqatigiinnerit</i>				
1.1.1. Inassutigneqarpoq , selskabip piginneqataasullu akornanni ingerlaavartumik oqaloqatigiittarneq siulersuisut qulakkiissagaat, taamaalilluni piginneqataasut selskabip periarfissaanik politikkiinillu tulluurtumik paasinnissammata, siulersuisullu piginneqataasut isumaannik, soqutigisaannik selskabillu tungaanut isummorsorneri ilisimassammatigik.	X			Piginneqataasunut najoqqutassat tulluurtut GrønlandsBANKENip nittartagaani takuneqarsinnaavoq.
1.1.2. Inassutigneqarpoq siulersuisut selskabip soqutiginnittuminut pissusini pillugit polittikkini aalajangiussissasut, tamakkununga ilaallutik piginneqatigiissuteqartut aningaasaliisullu allat, kiisalu qulakkiissallugu soqutiginnittut soqutigisaat selskabip tamatumunnga politikkia malillugu ataqineqassasut.	X			Periusissatut pilersaarut aningaaseriviup soqutigisallit tungaannut maleruagassaraa. Taakku saniatigut attaveqatigiinnissamut periusissaq aalajangerneqarsimavoq, aningaaseriviup aningaasaliisuinit soqutigisalinnullu allanut peqataatitsisoq. Aningaaserivik

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
				taamaallaat Kalaallit Nunaanni immikkoortorta qarpoq, Naalagaaffeqatigiinnerullu avataani niueruteqarnani.
1.1.3. Inassutigineqarpoq selskabi kvartalimut nalunaarusiat tamanut saqqummiuttassagaat.	X			
1.2. Ataatsimeersuarneq				
1.2.1. Inassutigineqarpoq selskabip ataatsimeersuarnissaata siulersuisut pilersaarusiorneranni ingerlannissaa pilersaarutigissagaat taamaalilluni eqeersimaartumik piginneqataaneq ikiorserlugu.	X			Aningaaseriviup 2014-imi piginneqataasunut attaveqarfissat elektroniskiusut ammarsimavai, ilaatigut e-mailikkut aamma InvestorProfilikkut. Tamatuma ilaatigut attaveqatigiinneq eqaallisissavaa.
1.2.2. Inassutigineqarpoq , piginnaatitsissutinik ataatsimeersuarnermi ator neqartussani piginneqataasut oqaluuserisisassani immikkoortut tamaasa isummerfiginissaannut periarfissinneqassasut.	X			
1.3. Pisinissamut misiliinerit				
1.3.1. Inassutigineqarpoq selskabi pisinissamut misiliigatuarnernut upalungaarsimanissamut suleriaatsimik pilersitsissasoq, piffissamut siulersuisut tunngavissaqartumik ilimasulerpata pisinissamut neqeroorut saqqummiunneqarnerata nalaanut atuuttusaaq. Upalungaarsimanissamut suleriaaseq aalajangerneqartariaqarpoq, siulersuisut ataatsimeersuarnerup akuersinerata avataani	X			Pisiniarluni misiliigaluarneg piginneqataasunut saqqummiunneqassaaq. Imarisavia pillugu siulersuisut ilisimatinneqassapput, neqeroorutillu imarisaa

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
pisinissamut misiliinerit illuatungilerniarlugit iliuusissanik aalajangiinermikkut, tamaalilluni pisiniarluni misiliigaluarneq pillugu piginneqataasut isummertinngitsoorlugit.				apeqqutaatillugu aningaaserivik avataaniit siunnersuisunik pissarsiussapput. Tamakku saniatigut pisiniarluni misiliigaluarnermi sukumiisumik suleriaaseqanngilaq.
2. Siulersuisut suliassaak akisussaaffiilu				
<i>2.1. Suliassat akisussaaffiillu pingaarnerit</i>				
2.1.1. Inassutigineqarpoq siulersuisut minnerpaamik ukiumut ataasiartumik pissutsit siulersuisut suliassaminnik isumaginninnissaminnut ilaasussat isummerfigisassagaat.	X			Siulersuisut suliaminni aallaavigissavaat siulersuisut akuerisaannik ukiumut pilersaarut kiisalu suleriaasissaq.
2.1.2. Inassutigineqarpoq siulersuisut minnerpaamik ukiumut ataasiartumik selskabimi naleqartunik pilersitsinissaq qulakkeerniarlugi selskabip periusissaa pingaarneq pillugu isummerfigisassagaat.	X			Siulersuisut ukiumut ataasiarlutik periusissat pillugit aningaaseriviullu niunernermi najoqqutassaa pillugu isumasioqatigiittassapput kiisalu ukiumut tulliuuttumut periusissatut pilersaarut ukiup naanerani siulersuisunit akuerineqartussa.
2.1.3. Inassutigineqarpoq siulersuisut eqqumaffigisassagaat selskabip aningaasaqarnikkut aktiaatitigullu aqqissuussaana selskabip periusissaanik siunissamullu ungasinnerusumut naleqartunik pilersitsinermik ilapittuutaasoq piginneqataasuniissasoq selskabillu soqutigisaaniissasoq kiisalu selskabip ukiumoortumik nalunaarusiaani	X			Siulersuisut selskabip aningaasaateqarnera aktiaatillu aqqissuunneqarnerat ukiumoortumik nalilersortassavaat.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
aqutsisut nalunaarutaani tamanna nassuiaatigalugu aamma/imaluunniit selskabip nittartagaaniissasoq.				
2.1.4. Inassutigineqarpoq siulersuisut ukiumoortumik aqutsisunut maleruagassat misissortassagaat akuersissutigalugillu, tamakkununga ilaallutik aqutsisunut piffissaagallartillugu, sukumiisumik kiisalu siulersuisunut naammaginantumik nalunaarusiortarnissaannut piumasaqaatit aalajangersaaffigalugit.	X			Siulersuisut siulersuisut suliaanni suleriaasissaq ukiumoortumik akuerisassavaat kiisalu aqutsisut suliaannut § 70-ikkut ilitersuut. Tamatumunnga atatillugu aqutsisunut nalunaarusiornissamut piumasaqaatit arlallit aalajangerneqarsimapput.
2.1.5. Inassutigineqarpoq siulersuisut minnerpaamik ukiumoortumik aqutsisut katiterneqarnerat kiisalu ineriartorneq, aarlerinaatit iluatsitsinissamullu pilersaarutit pillugit oqallisigisassagaat.	X			Aqutsisut ukiumoortumik siulersuisunit nalilersorneqartassapput. 2012-imi vicedirektørimik ataatsimik toqqaasoqarpoq (aqutsisut avataasigut).
2.1.6. Inassutigineqarpoq selskabip aqutsisuisigut selskabimi tamatigoortuunissaq tulluortoq qulakkeerniarlugu selskabip sammisartagai siulersuisut ukiumoortumik oqallisigisassagaat, tamatumunnga ilaallutik anguniagassat aalajangersimasut aalajangernissaat kiisalu selskabip ukiumoortumik nalunaarusiaanni aqutsisut nalunaarusiaanni aamma/imaluunniit selskabip nittartagaani nassuiaaserlugit, anguniakkani ilanngullugit aammalu taakku eqquutsinnissaannut killiffiit.	X			2013-imi sinniisit ikinnerussuteqartut pillugit politikkimik aalajangiisoqarpoq. 2014-imi tamatiguussusissaq pillugu politikki aalajangiunneqarpoq. Taakku aningaaseriviup CSR pillugu nalunaarusiaanik nassuiarneqarput.
2.2. Inuiaqatigiinnut akisussaassuseq				

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
<p>2.2.1. Inassutigineqarpoq selskabip inuiaqatigiinnut akisussaassusianik siulersuisut politikkinik aalajangiissasut.</p>	X			<p>Aningaaseriviup CSR-imi periuusissaa politikkialu siulersuisunit ukiumoortumik akuerineqartassaaq. GrønlandsBANKENip CSR-imut politikkia ukiumoortumik nalunaarusiami aqutsisut nalunaarutaani kiisalu aningaaseriviup nittartagaanik erseqqinnerusumik nassuiarneqarpoq. 2013-imi aningaaseriviup ilaasortaaffigilerpaa UN Global Compact.</p>
<p><i>2.3. Siulersuisunut siulittaasoq siulittaasullu tullia</i></p>				
<p>2.3.1. Inassutigineqarpoq siulersuisunut siulittaasup tullianik qinersisoqassasooq, siulittaasup peqataanninnerani atuuttussamik, tamatumalu saniatigut siulittaasumut sunniuteqartumik suleqataasusaaq.</p>	X			
<p>2.3.2. Inassutigineqarpoq siulersuisut nalinginnaanngitsumik siulersuisunut siulittaasoq selskabimut ingerlatsinermi suliassanik immikkut ittunik suliaqarnissaanik qinnuigippassuk, ilaallutik ulluinnarni aqutsisuni sivikitsumik peqataaqullugu, tamanna pillugu siulersuisut aalajangersimasariaqarput, taamaalilluni qulakkeerneqassamat siulersuisut arlaannut attuumassuteqanngitsumik aqutsisutut nakkutilliinermillu atuuffeqartut pingaarnertut ataannarnerat. Siulittaasup ulluinnarni aqutsinermi peqataanissaa taassumalu qanoq sivilutiginissaanik</p>	X			<p>Siulittaasoq aningaaserivik sinnerlugu immikkut ittunik suliaqartanngilaq.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
naatsorsuuutiginera pillugu aalajangerneq selskabimit nalunaarutikkut ilisimatitsissutigineqartariaqarpoq.				
3. Siulersuisut katiterneqarnerat aqqissuunneqarnerallu				
<i>3.1. Katiterneqarnerat</i>				
<p>3.1.1. Inassutigineqarpoq siulersuisut makku pillugit ukiumoortumik nassuiaateqartassasut;</p> <ul style="list-style-type: none"> • siulersuisut suliassaminnik pitsaanerpaamik sularinninnissaminnut piginnaasanik sunik pigisaqassanersut • siulersuisut katiterneqarnerat, kiisalu • ilaasortat ataasiakkaat immikkut piginnaasaat. 	X			<p>Siulersuisunut ilaasortat makkuninnga piginnaasaqartuassapput; aningaasarsionermi naatsorsuusionermilu tamatigoortunik ilisimasaqarneq, niuernikkut misilittakkat kiisalu Kalaallit Nunaanni inuiaqatigiinni pissutsinik ilisimasaqarluarneq. Siulersuisut ukiumoortumik nalilersuinermik suliaqartassapput. Ilaasortat ataasiakkaat tunuliaqutaat piumasaqaatinut sanilliullugit ukunani takuneqarsinnaapput; ataatsimeersuarnermut aggersaanermi, aningaaseriviup nittartagaani, taakkulu saniatigut siulersuisunut ilaasortat tamarmik ukiumoortumik nalunaarusiami nassuiaateqarfigineqarput. Ataatsimeersuarnermi qinikkat</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
				ataasiakkaat immikkut piginnaasaat pingaartumik inuussutissarsioernermik ingerlataqarsimaneri kiisalu ilinniarsimaneri aqutugalugit anguneqarsimapput.
<p>3.1.2. Inassutigineqarpoq siulersuisut siulersuisunut piukkussanik toqqaasarnermi inassutiginninnerilu sukumiisumik siulersuisunullu paasinartumik siulersuisunillu tamarmiusunit akuerineqarsimasumik suleriaaseqarlutik isumagisassagaat. Katiterneqarnernik naliliinermi piukkussanillu nutaanik inassutiginninnermi nutarsaanissamut pisariaqartitat kiisalu tamatiguussusermik pisariaqartitat ilaatigut ukioqqortussuseq, nunarsuarmi misilittagaqarneq kiisalu arnaaneq angutaanerlu eqqarsaatigineqassapput.</p>	X			Oqaatigineqassaaq selskabit pillugit inatsisip allanngortinnissaa, ukiumoortumik naatsorsuusiortarneq pillugu inatsisip inatsisillu allat pillugit danskit inatsisissatut siunnersuutaat L 17, Kalallit Nunaannut atuutilernissaa naatsorsuutigineqanngimmat. Taamaattorli siulersuisuni siulersuisunut ilaasortassatut inassutigisat toqqaanerillu piginnaasaqarnermut ilisarnaatini siulersuisut akuerisimasaat aallaavigalugit oqallisigineqartarput.
<p>3.1.3. Inassutigineqarpoq ataatsimeersuarnissamut aggersaanermut ilanngullugu, siulersuisunut qinersinissaq oqaluuserisassaniitillugu, inatsisitigut aalajangersimasut saniatigut, qinigassanngortittut piginnaasaat pillugit nassuiaatit saniatigut, qinigassanngortittut pillugit makkuninnga ilisimatitsissuteqartoqassaaq;</p> <ul style="list-style-type: none"> • aqutsinikkut atuuffii allat, ilaallutik aqutsisuni, siulersuisuni 	X			Qinigassanngortittut piginnaasaannik, aqutsisutut atuuffii allat il.il. pillugit nassuiaatit, kiisalu qinigassanngortittut arlaannut attuumassuteqannginnerat

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
nakkutilliisunilu suliaat, ilanngullugit aqutsisuni ataatsimiititaliat, nunat allamiut suliffeqarfiini <ul style="list-style-type: none"> • allaffissornikkut aqutsinermi suliaat piumasaqaateqarfiusut, kiisalu ilisimatitsissutigineqassalluni • siulersuisunut qinigassanngortittut arlaannut attuumassuteqanngitsutut isumaqarfigineqarnersut. 				ataatsimeersuarnissamut aggersaanermi allassimapput.
3.1.4. Inassutigineqarpoq selskabi maleruagassamini siulersuisunut ilaasortat ukiumikkut killissaat aalajangiunneqassasoq.	X			Ukioqqortussutsikkut killiliunneqarput ukiut 70-it.
3.1.5. Inassutigineqarpoq siulersuisunut ilaasortat ataatsimeersuarnermi qinikkat ukiut tamaasa ileqquumik ataatsimeersuarnermi qinigassanngorteqqittassasut.		X		Ataatsimeersuarnermi qinikkat ukioq allortarlugu qinigassanngortittarput, taamaalilluni ataatsimeersuarnermi qinikkat affaat (3) ataqatigiinnerup akuerineqarsinnaasup kissaatigineqarnera aallaavigalugu ukioq allortarlugu qinigassanngortittarput.
3.2. Siulersuisut arlaannut attuumassuteqannginnerat				
3.2.1. Inassutigineqarpoq siulersuisunut ilaasortat ataatsimeersuarnermi qinikkat minnerpaamik affaat arlaannut attuumassuteqartussaangitsut, taamaalilluni siulersuisut immikkut soqutigisat attuumassuteqarfiginagit sulisinnaassammata. Arlaannut attuumassuteqassanngikkaanni pineqartoq imaassanngillat; <ul style="list-style-type: none"> • ukiut kingulliunerusut iluanni selskabimi, selskabimi 				Ataatsimeersuarnermi qinikkanit 6-iusunit ilaasortat ikinnerpaamik affaat arlaannut attuumassuteqanngitsutut nalilernerqarput, erseqqinnerusumik

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
<p>piginneqataaffigineqartumi imaluunniit selskabimi attuumassuteqarfigisami aqutsisunut ilaasortaasimassanngilaq imaluunniit aqutsisutut sulisuusimassanani,</p> <ul style="list-style-type: none"> • ukiut kingulliunerusut 5-it iluini selskabimit/suliffeqarfissuarmit, selskabimit piginneqataaffiusumit imaluunniit selskabimit attuumassuteqarfiusumit siulersuisunut ilaasortaanerup saniatigut amerlasuunik akissarsiaqartinneqarsimassanngilaq, • aqutsisutut piginneqataassuteqartup soqutigisaanut sinniisuussanngilaq, • ukiut kingulliunerusut iluini niuernikkut selskabimut, selskabimut piginneqataaffiusumut imaluunniit selskabimut attuumassuteqarfiusumut attuumassuteqarsimassanngilaq (assersuutigalugu inuttut nammineq imaluunniit toqqaannartumik piginneqataasutut sulisutulluunniit, piginneqataasutut, sullinneqartutut, pilersuisutut imaluunniit selskabini assingusumik attuumassuteqarluni aqutsisunut ilaasortatut), • ukiut kingulliunerusut 3-t iluanni avataani kukkunersiuisuni atorfeqarsimassanngilaq imaluunniit piginneqataasimassanani, • selskabimi selskabimik aqutsinikkut paarlakaattunik sinniisoqarfiusumi pisortaasimassanngilaq, • ukiut 12-it sinnerlugit siulersuisunut ilaasortaasimassanngilaq, imaluunniit • inunnut arlaannut attuumassuteqanngitsutut isigineqarsinnaanngitsunut qanittukkut ilaqaataassanngilaq. 	X			allaaserinninneq immikkoortoq 3.3.2 takuuk.
3.3. Siulersuisunut ilaasortat aamma aqutsisunut atuuffiit allat amerlassusii				
3.3.1. Inassutigineqarpoq siulersuisunut ilaasortat ataasiakkaat tamarmik nalilersussagaat, suliamut pineqartumut piffissaq pisariaqartinneqartoq qanoq sivistigisoq atussallugu, taamaalilluni	X			Siulersuisut piginnaasaat pillugit ukiumoortumik nalilersuineqartarpoq.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
pineqartoq atuuffinnik amerlanerusunik isumaginnittariaqarnani, atuuffiit ataasiakkaat tamaasa selskabimut naammaginartumik isumagineqarsinnaassammata.				
<p>3.3.2. Inassutigineqarpoq aqutsisut nalunaarutaat inatsisini aalajangerneqarsimasut saniatigut siulersuisunut ilaasortat pillugit paasissutissanik makkuninnga imaqassasut;</p> <ul style="list-style-type: none"> • pineqartup atorfia, • pineqartup ukiui aamma arnaanersoq angutaanersorluunniit, • ilaasortaq arlaannut attuumassuteqanngitsutut isigineqarnersoq, • piffissaq ilaasortap siulersuisunut ilaasortanngorfia, • piffissap qinigaaffiusup qaanngiuffissaa, • pineqartup aqutsisutut atuuffii allat, tamakkununnga ilaallutik aqutsisuni, siulersuisuni nakkutilliisoqarfinnilu atuuffii, tamakkununnga ilaallutik nunat allamiut suliffeqarfiini aqutsisutut ataatsimiititaliani kiisalu • kattuffinni suliassat piumasaqaateqarfiullutik artornartut, aamma • Aktiat, pisinissamut salliutitsissutit, sillimmasiinerit assigisaallu ilaasortap selskabimi selskabinilu selskabip suliffeqarfissuartut attuumassuteqarfigisaani pigisai, kiisalu pappilissani nalilinni taaneqartuni ilaasortap uninngasuutaani allannguutit ukiup naatsorsuiffiusup ingerlanerani pisimasut. 	X			<p>Paasissutissat aqutsisut nalunaarutaanni allassimapput, toqqaannartumik imaluunniit nassuiaatip taassuma innersuusutigineratigut. Makku taaneqarsinnaapput:</p> <p>Ilaasortat arlaannut attuumassuteqanngitsut attuumassuteqartullu ataani allassimapput: Anders Brøns ukiut 12-it sinnerlugit siulersuisunut ilaasortaasimavoq.</p> <p>Ilaasortat arlaannut attuumassuteqanngitsut tassaapput Frank Olsvig Bagger, Kristian Lennert, Lida Skifte Lennert, Vagn T. Raun aamma Gunnar í Liða.</p>
3.4. Aqutsisuni ataatsimiititaliat (imaluunniit -komitéet)				
3.4.1. Inassutigineqarpoq selskabip selskabip nittartagaani makku				Akissarsiaqartitsinermut ataatsimiititaliamut aamma

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>tamanut saqqummiuttassagai:</p> <ul style="list-style-type: none"> • aqutsisuni ataatsimiititalianut suliaakkiissutit, • ukiup ingerlanerani ataatsimiititaliat suliaat pingaaruteqarnerit ataatsimiititalianilu tamani ataatsmiinnerit amerlassusii, kiisalu • aqutsisuni ataatsimiititaliani ataasiakkaani ilaasortat aqqi, tamakkununga ilaallutik ataatsimiititaliat siulittaasui, kiisalu kikkut arlaannut attuumassuteqanngitsutut ilaasortaanersut, kiisalu ilaasortat kikkut immikkut ittunik piginnaasaqarnersut. 	X			<p>kukkunersiuiernerut ataatsimiititaliamut suliaakkiissutit aningaaseriviup nittartagaani allassimapput kikkullu ataatsimiititaliamut ilaasortaanersut. Kukkunersiuiernerut akissarsiaqartitsinermullu ataatsimiititaliamut ukiumoortumik pilersarusiorneqarput, taakkuli tamanut saqqummiunneqarsimangillat.</p> <p>Taamattaaq toqqaasarnermut ataatsimiititaliamik pilersitsineqarsimavoq. Kukkunersiuiernerut ataatsimiititaliamut uiggiullugu arlerinaatinut ataatsimiititaliamik 2014-imi pilersitsineqarpoq.</p>
<p>3.4.2. Inassutigineqarpoq aqutsisuni ataatsimiititaliani ilaasortat amerlanersaat arlaannut attuumassuteqassanngitsut.</p>	X			<p>2014-imi aalajangerneqarpoq akissarsiaqartitsinermut ataatsimiititaliami sulisut sinniisaannik peqataatitsisoqassasoq. Sulisut sinniisaat arlaannut attuumassuteqartuunngilaq, ataatsimiititaliilli ilaasortaasa</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
				sinneri arlaannut attuumassuteqarnatik.
<p>3.4.3. Inassutigineqarpoq siulersuisut <u>kukkunersiuinermi ataatsimiititaliamik</u> pilersitsissasut, imaalillugu katiterneqartussamik,</p> <ul style="list-style-type: none"> • siulersuisunut siulittaasoq kukkunersiuinermut ataatsimiititaliamut siulittaasuussanngitsoq, aammalu • ataatsimiititaliaq ataatsimoorluni suliaqarfitsigut ilisimasaat misilittagaallu imaassasut, aningaasarsiornermut tunngasuni nutartikkanik ilisimasaqassasut misilittagaqarlutillu kiisalu selskabini niuerfinni naleqqussarsimasuni aktiaatinik niuernissamut ilaasuni naatsorsuusiornikkut kukkunersiuinertigullu pissutsini. 		X		<p>GrønlandsBANKEN uunga ilaanngilaq; "Suliffeqarfinni suliffeqarfissuarnilu Finanstilsynetimit nakkutigineqartut kukkunersiuinermut ataatsimiititaliat pillugit nalunaarut."</p> <p>GrønlandsBANKEN nammineq piumassutsiminik nalunaarut malippaa.</p> <p>GrønlandsBANKENip angissusia, niuernermi najoqqutaa ajornaatsoq aallutaasalu Kalaallit Nunaanniinnaq killeqarneri eqqarsaatigigaanni siulersuisut tamarmiullutik kukkunersiuinermut ataatsimiititaliamut ilaasortaanerat illersorneqarsinnaasutut isigineqarpoq.</p> <p>Siulersuisunut siulittaasoq aamma ataatsimiititaliamut siulittaasuvoq, taamaammallu tassuunatigut inassutigineqartut</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
				<p>aningaaseriviup avaqquppai (takuuk immikkoortoq 5.10.3).</p> <p>Nalunaarutit piunasaqaataannut tunngatillugu siulersuisut suliaqarfitsigut pisariaqartitanik ilisimasaqarput kiisalu kukkunersiuinermut ataatsimiititaliami ilaasortaanertik aqputiginerullugu misilittagaqarlutik, siulersuisulli kukkunersiuinermik ilinniarsimavissortunik ilaasortaqangillat.</p>
<p>3.4.4. Inassutigineqarpoq kukkunersiuinermut ataatsimiititaliap ukiumoortumik nalunaarusiap akuerineqannginnerani allatigullu aningaasarsiornermi nalunaarusiat nakkutigissagaat makkulu pillugit siulersuisunut nalunaarusiorlugit:</p> <ul style="list-style-type: none"> • sammisani pingaaruteqartuni naatsorsuusiordermi periutsit, • naatsorsuusiordernikkut missingiinerit pingaaruteqartut, • suleqatigisanut qanittunut nuussinerit, aamma • nalorninaatillit aamma aarlerinaatillit, tamakkununga aamma ilaallutik ukiumut aallartittumut naatsorsuutigisanut tunngasut. 	X			<p>Kukkunersiuinermut ataatsimiititaliap ukiumoortumik pilersaarut aallaavigalugu sulisarput, ilaatigut tassani allasimalluni, ukiumoortumik nalunaarusiap akuerineqarnissaa sioqqullugu ilaasortat qanoq iliortassasut, tamatumunnga ilaalluni immikkoortut taaneqartut.</p>
<p>3.4.5. Inassutigineqarpoq kukkunersiuinermut ataatsimiititaliap imaassasoq:</p> <ul style="list-style-type: none"> • suliffiup iluani kukkunersiuinissamut pisariaqartitsineq ukiumoortumik nalilersortassavaat, pisariaqartinneqassappallu toqqaanissamut, atorfinitsitsinissamut pillugu, immaqalu suliffiup 	X			<p>GrønlandsBANKENimi suliffiup iluani kukkunersiuinissamut pilersitsineqarsimavoq.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>iluani kukkunerisuinermut aqutsisumik soraarsitsinissaq aamma suliffiup iluani kukkunerisuusup missingersuutit pillugit inassutininik saqqummiussisassallutik, aamma</p> <ul style="list-style-type: none"> • suliffiup iluani kukkunerisuusut isummerneru inassutigisaallu pillugit aqutsisut malinnaatitsineri nakkutigissallugit. 				
<p>3.4.6. Inassutigineqarpoq siulersuisut <u>toqqaasarnermi ataatsimiititaliamik</u> pilersitsissasut, siulersuisunut siulittaasoq siulittaasuussalluni, minnerpaamillu piareersaatitut makkuninnga suliaqartussa:</p> <ul style="list-style-type: none"> • siulersuisuni aqutsisunilu atuuffinni aalajangersimasuni piginnaasatut piunasaqaatit nassuiaateqarfigalugit, taamallu atuuffimmut isumaginninnissamut piffissaq qanoq sivisutigisoq atussallugu missingerlugu kiisalu aqutsisoqarfinni taakkunani marlunni piginnaasassat, ilisimasassat misilittakkallu nalilersussallugit, • siulersuisut aqutsisullu ilusilersornerat, amerlassusii, katiterneqarneri angusaallu ukiumoortumik nalilersussallugit kiisalu allannguuteqartoqassappat siulersuisunut inassuteqassallutik, • aqutsisuni ilaasortat piginnaasaat, ilisimasaat misilittagaallu ukiumoortumik nalilersorneri kiisalu tamakku pillugit siulersuisunut nalunaarusiorlutik, • inunnit susasaqartunit siunnersuutit eqqarsaatiginissaat, tamakkununnga ilaallutik piginneqataasut siulersuisunut aqutsisunullu ilaasortat, siulersuisunut aqutsisunullu piukkussat pillugit, aamma • siulersuisut siunissami katiterneqarnerat pillugu iliuusissatut pilersaarummik siulersuisunut siunnersuuteqarneq, tamakkununnga ilaallutik allannguutissanik aalajangersimasunik siunnersuuteqarneq. 	X			<p>GrønlandsBANKEN 2012-imi toqqaasarnermi ataatsimiititaliamik pilersitsivoq sammisat inassutigineqartunut ilaasut suliassarissallugit. Siulersuisunut siulittaasup ukiut tamaasa siunissami siulersuisunut katitersimaneq kiisalu tamatumunnga atatillugu suliniutissanut aalajangersimasunut pisariaqartitsineq oqaloqatigiissutigisarpa.</p>
<p>3.4.7. Inassutigineqarpoq siulersuisut <u>akissarsiaqartitsineri</u> ataatsimiititaliamik pilersitsissasut, minnerpaamillu piareersaatitut</p>				<p>Akissarsiaqartitsineri ataatsimiititaliaq</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>makkuninnga suliaqartussaq:</p> <ul style="list-style-type: none"> • akissarsiaqartitsinermut politikkimik siulersuisunut aqutsisunullu ilassuteqarneq (ilaalluni "Kajumissaatitut akissarsiaqartitsinissamut maleruagassat pingaarnert") ataatsimeersuarnissarlu sioqqullugu siulersuisunit akuerisassanngortillugu, • siulersuisunut aqutsisunullu ilaasortat akissarsiassaas pillugit siulersuisunut siunnersuutit saqqummiussineq kiisalu qulakkiissallugu akissarsiaqartitsineq selskabip akissarsiaqartitsinermi politikkianik malitsitsinissaq pineqartullu suliaanik nalilersuineq. Ataatsimiititaliap akissarsiat katinneri ilisimassavaat, siulersuisunut aqutsisunullu ilaasortat suliffeqarfanni suliffeqarfissuarnilu allani pissarsiarisartagaat, aamma • akissarsiaqartitsinermut politikkimik selskabimut tamarmut atuuttussamik inassuteqarneq. 	X			<p>pilersinneqarsimavoq. GrønlandsBANKENip angissusia, niuernermi ajornaatsumik najoqquataqarnera aallutallu tamangajalluinnarmik Kalaallit Nunaanniinnerat eqqarsaatigalugit akissarsiaqartitsinermi ataatsimiititaliap siulersuisunut siulittaasumit siulittaasullu tullianit isumagineqarnissaa illersorneqarsinnaasutut isumaqarfigineqarpoq. 2014 aallarnerfigalugu sulisut sinniisaat ataaseq aamma ataatsimiititaliamut ilaasortanngorpoq.</p>
<p>3.4.8. Inassutigineqarpoq akissarsiaqartitsinermi ataatsimiititaliap avataanit siunnersiusartut selskabimi aqutsisut atortagaasa assingi atussallugit pinngitsoortissagaat.</p>	X			<p>Akissarsiaqartitsinermut ataatsimiititaliap avataaniit siunnersuisartunik atuisimangilaq.</p>
<p>3.5. Siulersuisuni aqutsisunilu suliat nalilersorneqarneri</p>				
<p>3.5.1. Inassutigineqarpoq siulersuisut nalilersuerialaatsimik aalajangiussaasat, taamaalilluni siulersuisut tamarmiusut ilaasortallu ataasiakkaat suliaat angusaallu kiisalu aqutsisunik suleqateqarneri ukiumoortumik nalilersorneqarsinnaaqqullugit. Nalilersuinerit aallaavigalugit allannguutissat pingaaruteqartut aqutsisut nalunaarutaatigut imaluunniit selskabip nittartagaatigut</p>	X			<p>Finanssektorens Uddannelsescenter suleqatigalugu siulersuisut nalilersuinerimik suliaqartarput.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
nalunaarutigineqartariaqarput.				
3.5.2. Inassutigineqarpoq siulersuisut ataatsimeersuarnissap piareersarneranut atatillugu eqqarsaatigissagaat ilaasortat amerlassusii selskabip pisariaqartitaanut naleqqiullugit tulluarnersut. Tamatumunnga ilanngullugu qulakkeerneqassaaq, siunertaqartumik oqallittoqarsinnaanera sunniuteqartumillu aalajangiisoqarsinnaanera, ilaasortat tamarmik eqeersimaartumik peqataanissaat periarfissillugu.	X			Siulersuisunik naliliineq suliffeqarfiup iluani allaganngorlugu suliarinnittoqarsimavoq, siulersuisullu ilinniartitaanerannut nalilersorneqarnerannullu atatillugu avataaniit siunnersuisunik atuisoqarsimalluni. Ukiumoortumik nalunaarusiap nassuiaat taanna innersuussutigaa.
3.5.3. Inassutigineqarpoq piumasaqaatit erseqqissut siumut aalajangerneqareersimasut malillugit aqutsisut suliaat angusaallu pillugit siulersuisut minnerpaamik ukiumut ataasiartumik nalilersortassagaat.	X			
3.5.4. Inassutigineqarpoq aqutsisut siulersuisullu suleriaatsimik aalajangiissasut, taanna malillugu siulersuisunut siulittaasup pisortaanerullu akornanni aaqqissuussamik oqaloqatigiinnikkut suleqatigiinnertik ukiumoortumik nalilersortassallugu, kiisalu nalilersuinerup inernera siulersuisunut saqqummiutassallugu.	X			Aqutsisut ukiumoortumik siulersuisuni nalilersorneqartarput, tamakkununnga ilaallutik siulersuisut aqutsisullu akornanni suleqatigiinnerup nalilersorneqarnera.
4. Aqutsisut akissarsiaat				

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
4.1. Akissarsiaqartitsinermut politikkip ilusia imarisaalu				
<p>4.1.1. Inassutigineqarpoq siulersuisunut aqutsisunullu akissarsiaqartitsinermut politikkip erseqqissumik paasinartumillu siulersuisut suliarinnissasut, makkuninnga imaqartussamik</p> <ul style="list-style-type: none"> • akissarsiaqartitsinermi immikkuualuttut siulersuisunut aqutsisunullu akissarsiaqartitsinermi ilaasut sukumiisumik nassuiaasersorneri, • akissarsiaqartitsinermi immikkuualuttut ataasiakkaat aalajangiunnerinut tunngavilersuutit, aamma • piunasaqaatit akissarsiaqartitsinermi immikkuualuttut ataasiakkaat akornanni oqimaaqatigiissitsinermut tunngavigineqartut nassuiaasersorneri. <p>Akissarsiaqartitsinermut politikki ataatsimeersuarnermi akuerineqartariaqarpoq selskabillu nittartagaani tamanut saqqummiullugu.</p>	X			
<p>4.1.2. Inassutigineqarpoq akissarsiaqartitsinermut politikki immikkuualuttunik assigiinngiiaartunik imaqarpat,</p> <ul style="list-style-type: none"> • akissarsiaqartitsimerup katinnerani assigiinngiiaartortai killilersorlugit aalajangiunneqassasut • aqutsisut akissarsiaqartinneqarneranni, aarlerinaatitut naatsorsuutigineqarsinnaasut kiisalu siunissamut qaninnerusumut ungasinnerusumullu piginneqataasunut naleqartunik pilersitsinissap akornanni tulluqartumik oqimaaqatigiissumillu katiterinissaq qulakkeerneqassasoq, • assigiinngiiaartortaanik pilersitsinermut angusanut piunasaqaatit uuttorsinnaasortaallu paasinarsarlugit, • piunasaqaatit akissarsiaqartitsinissamut isumaqatigiissutip assigiinngiiaartortaanik tamakkiisumik ilaannakortumilluunniit 	X			<p>Aqutsisunut aarlerinaatinillu isumaginnittunut pingaaruteqartunut aningaasanngorlugu malunnaangitsumik bonusisitsisoqartarpoq. Tamakku saniatigut aqutsisunut aarlerinaatinillu isumaginnittunut pingaaruteqartunut assigiinngiiaartunik</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
<p>pissarsiarisat qaammatisiutit malillugit ukioq ataaseq sinnerlugu siammarsimanissaat, aamma</p> <ul style="list-style-type: none"> • isumaqatigiissusiortoqassaaq pisuni immikkorluinnaq pisuni akissarsiat assigiinngiaartortaannik tamakkiisumik ilaannakortumilluunniit utertitsinissamik piumasaqarsinnaaneq, paasissutissat kingusinnerusukkut kukkusumik uppersarsaasersorneqarsimasut tunngavigalugit akissarsiaritinneqarsimasut paasineqarnerisigut. 				akissarsisitsisoqartanngilaq.
<p>4.1.3. Inassutigineqarpoq siulersuisunut ilaasortat piginneqataassutinik pisinissamut salliutitsinikkut imaluunniit sillimmasiinnermut pisinissamut salliutitsinikkut akissarsiaqartinneqassanngitsut.</p>	X			Soorlu immikkoortoq 4.1.2-mi allassimasutut assigiinngiaartunik taamaattunik akissarsiatigut immikkualuttunik tunniussisoqartanngilaq.
<p>4.1.4. Inassutigineqarpoq piginneqataassutinik tunngaveqartumik akissarsiaqartitsineq atorneqarpat, pilersaarutit akiitsornertut isigineqassasut, ima paasillugu, piffissakkaartumik tunniunneqartassapput, tunniunneqareernerisalu kingorna sivikinnerpaamik ukiuni pingasuni sivilussuseqartariaqassallutik.</p>	X			Soorlu immikkoortoq 4.1.2-mi allassimasutut assigiinngiaartunik taamaattunik akissarsiatigut immikkualuttunik tunniussisoqartanngilaq.
<p>4.1.5. Inassutigineqarpoq soraarnermut atatillugu ajunngitsorsiasat amerlanerpaamik ukiuni kingullerni marlunni akissarsiat amerlaqataasa annertunerpaamik naligissagaat.</p>	X			Illuaatungeriilluni qaammatinik 12-nik sioqqutsilluni soraarniteqartarnissaq isumaqatigiissutigineqarsimavoq. Aningaaseriviup sulissutigisaanik tunuarnermi suliunnaarnersiutisisoqartarpoq qaammatit 12-it 24-illu

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
				akornanni akissarsianut naapertuuttunik.
4.2. Akissarsiaqartitsinermut politikki pillugu paasissutissat				
4.2.1. Inassutigineqarpoq selskabip akissarsiaqartitsinermut politikkia taassumalu malitsinneqarnera ukiumoortumik nassuiaateqarfigineqartassasoq, selskabillu ataatsimeersuarnerani siulersuisup nalunaarutaani tunngavilersuutigineqassalluni.	X			
4.2.2. Inassutigineqarpoq piginneqataasut ataatsimeersuarnermi siulersuisunut ukiumut naatsorsuusiorfissamut aallartittumut akissarsiassatut siunnersuutit akuerineqartassasut.	X			
4.2.3. Inassutigineqarpoq ukiumoortumik nalunaarusiami akissarsiat siulersuisunut ilaasortat aqutsisullu ataasiakkaat selskabimiit suliffeqarfissuarmilu selskabinit allanit pissarsiarisartagaasa katinneri pillugit ilisimatitsissutigineqartassasut, tamakkununga ilaallutik sulisorinniinnarnissamut soraarnissamulu aqqiissutini imarisat pingaarnert pillugit ilisimatitsissuteqarneq, akissarsiaqartitsinissamullu politikkimut attuumassuteqarnera nassuiaassutigineqassalluni.	X			
5. Naatsorsuutininik saqqummiussineq, aarlerinaatilinnik aqutsineq kukkunersiuinerlu				
5.1. Aarlerinaatilinnik suussusiliineq paasissutissanillu attuumassuteqarnerusunik ammasuunissaq				
5.1.1. Inassutigineqarpoq periusissatigut niuernikkullu aarlerinaatit, naatsorsuutininik saqqummiussinermut atatillugu aarlerinaatit pingaarnert kiisalu selskabip aarlerinaatilinnik aqutsinera pillugu siulersuisut isummerfigissagaat aqutsisullu nalunaarusiaanni	X			Siulersuisut ingerlaavartumik minnerpaamillu ukiumut ataasiartumik aarlerinaatinut tunngasut tamakkiisut aarlerinaatitigullu

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
nassuiaateqarfigineqassasut.				eqqarsaatigisassat ataasiakkaat aningaaseriviup ingerlataanut attuumassuteqartut siulersuisut nalilersortarpaat.
<i>5.2. Oqaatiginnittarneq pillugu aaqqiissut</i>				
5.2.1. Inassutigineqarpoq siulersuisut aalajangiiffigissagaat, unioqputitsinerit annertuut imaluunniit tamanna pillugu pasinninneq pilugu siunertaqartumik isertuussinikkullu nalunaarutiginnissinnaaneq siunertaralugu oqaatiginnittarneq pillugu aaqqiissummik pilersitsineqassanersoq.	X			GrønlandsBANKEN suliffeqarfiit aningaasarsionermik sammisaqartut pillugit danskit inatsisaanni allassimasuni malittarisassanut ilaanngilaq. Taamattaaq nalilerneqarpoq inuinnaat nalunaarsorsimanagerat pillugu Kalaallit Nunaata inatsisai 'oqaatiginnittarneq' pillugu aaqqiissummik pilersitsinissaq periarfissaqanngilaq. Taamaammat aaqqiissutip Danmarkimi ilisimaneqartup assinganik aningaaserivimmi pilersitsinnginnermi inuit qarasaasiakkut nalunaarsortarnerat pillugu inatsimmik nutaamik Kalaallit Nunaannut atuuttumik akuerinninnissaq utaaqqimaarneqassaaq.
<i>5.3. Kukkunersuisumut attaveqartarneq</i>				

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
5.3.1. Inassutigineqarpoq kukkunersuiisup siulersuisullu akornanni akuttunngitsumik oqaloqateqartarnissaq paasissutissanillu paarlaasseqatigiittarneq siulersuisut qulakkiissagaat, tamakkununga ilaalluni siulersuisut kukkunersuinermilu ataatsimiititaliaq aqutsisut peqataatinnagit minnerpaamik ukiumut ataasiartumik kukkunersuiisumik ataatsimeeqateqartassasut. Taama assingusumik suliffiup iluani kukkunersuiisoq, taamaattumik peqartoqarpasut.	X			
5.3.2. Inassutigineqarpoq kukkunersuinermit isumaqatigiissut kukkunersuiisullu akissarsiaat tassunga ilaasoq kukkunersuinermit ataatsimiititaliap inassuteqarnera tunngavigalugu siulersuisut kukkunersuiisullu akornanni isumaqatigiissutigineqassasut.	X			

PKT. 2: Najoqqutaasinnaasut allat selskabip malitai

Selskabi aalajangersimavoq UN Global Compact atussallugu, taannalu nittartakkami uani pissarsiarineqarsinnaavoq:
<http://www.banken.gl/ContentId/929/Default.aspx?MenuItemId=419>

Inassutigisat	Selskabip malippai	Selskabip malinngilai	Makku tunngavialugit inassutigisat selskabip malippai/malinngilai:
UN Global Compact ileqqorissaartumik iliortarnissamut 10-nik tunngaveqarpoq	X		GrønlandsBANKENip 2013-imi ilannguffigaa UN Global Compact. Qaammatisiutit malillugit ukiup aallartinnerani ukiut tamaasa nalunaarussiaq aningaaseriviup nittartagaatigut tamanut

Inassutigisat	Selskabip malippai	Selskabip malinngilai	Makku tunngavialugit inassutigisat selskabip malippai/malinngilai:
			saqqummiunneqartarpoq.

PKT. 3: Naatsorsuutinin saqqummiusseriaatsimut atatillugu suliffeqarfiup iluani nakkutilleeriaatsit aarlerinaatinillu aqutseriaatsit pillugit selskabip eqqarsaatigisartagai pingaarnerit

Nassuiaat

Naatsorsuutinin saqqummiusseriaatsimut atatillugu suliffeqarfiup iluani nakkutilleeriaatsinut aarlerinaatinillu aqutseriaatsinut atatillugu Siulersuisut aamma Aqutsisut pingaarnertut akisussaasuupput. Aningaaseriviup ingerlataanut atatillugu aarlerinaatit pingaarutillit suliffeqarfiullu iluani nakkutilliinerit taakkulu naatsorsuutinin saqqummiusseriaatsimut sunniutigisinnaasaat Siulersuisut Aqutsisullu akuttunngitsumik nalilersortarpaat. Aningaaseriviup allaffissornikkut aqqissuussaanaera atuuffiillu pingaarnerit naatsorsuutinin saqqummiusseriaatsimut attuumassuteqartut Siulersuisut Aqutsisullu ukiumoortumik nalilersortarpaat. Siulersuisut suliffeqarfiup iluani kukkunerisiuisunik siulersuisunut akisussaasunik pilersitsisimapput. Suliffeqarfiup iluani kukkunerisiuisut inatsisit atuuttut malillugit suliatic isumagisarpaat, aningaaseriviullu suleriaasii suliffeqarfiullu iluani nakkutilleeriaatsit nutartertarlugit. Naatsorsuutinin saqqummiussisarnermut politikkit suleriaatsillu siulersuisunit akuerineqarsimasut aningaaserivimmi suliffiup iluani nittartagaani allassimapput.

Siulersuisut Aqutsisullu minnerpaamik ukiumut ataasiartumik GrønlandsBANKENip aarlerinaataani aarlerinaatinik pingaarnernik nalilersuisarput, sammisanut pingaarnernut makkununga agguataarlugit: akiitsuut, niuerfiit, aningaasat tigoriaannaat, upalungaarsimanissamat pilersaarut aamma suliaraqarnermi aallerinaatit. Aarlerinaatinik nalilersuinermit tassunga uiggiullugu ukiup ingerlanerani aarlerinaatitigut nalaataqarsimanerit pingaarnerit nassuarneqartarput. Tamakku saniaticigut GrønlandsBANKENip aningaasaticigut mattussusiineranut tunngatillugu aarlerinaatit pillugit nalunaarusiat kvartalit tamaasa aningaaseriviup nittartagaaticigut tamanut saqqummiunneqartarput. Naatsorsuusioriaatsimik nakkutiginninneq ingerlaavartumik pisarpoq kiisalu aarlerinaatinik nalilersuineq

tunngavigalugu naatsorsuutiniq saqqummiusseriaatsimi inissisimaffinnut tamanut piffissakkaartumik nakkutiginnittoqartarluni. Sanngiiffiit, nakkutilliinermi arajutsisat periarfissatigullu killissarititaasut ilitsersuutigineqarsimasut qaangerneru pillugit aqqissuussaannermi qummut inissisimanagerusunut nalunaarusiorfigineqartarput. § 70 malillugu Aqutsisunut ilitsersuutit tungaasigut ilitsersuutitillugu siulersuisunit suliaqsiissutigineqarsimasut pillugit siulersuisut nalunaarusianik ingerlaavartunik pissarsisarput. Sanngiiffiit, amigaatit qaangiinerillu pillugit nalunaarusiat Aqutsisut sunniuteqartumik qisuariarfigineqarnissaat Siulersuisut qulakkeertarpaat. Kukkuersiuerimut ataatsimiititaliaq minnerpaamik siulersuisut ileqquusumik ataatsimiinnissaat tamaasa sioqqullugit aningaaserivimmut § 70 malillugu aqutsisunut ilitsersuut malillugu killissai assigiinngitsut eqquutsinneqarsimanersut pillugit nalunaarusiamik kiisalu kukkuersiuisut nalunaarutaannik pissarsisarpoq. Suliffeqarfiup iluani kukkuersiuisut avataaniillu kukkuersiuisut akornanni attaveqarneq kukkuersiuerimut ataatsimiititaliap suliaasa pissusissamisoortumik ilagaa, tamakkununga ilanngullugu kukkuersiuerimut ataatsimiititaliap pitsaassutsimik taamallu suliffeqarfiup iluani kukkuersiuisut avataaniillu kukkuersiuisut suliaannut attuumassuuteqanngitsumik ingerlaavartumik nalilersuisarluni.

PKT. 4: Aqutsisoqarfiit taakkulu ataatsimiititaliaasa katiterneqarnerat taakkulu atuuffii

Nassuiaat

Kukkuersiuerimut aarlerinaatinullu ataatsimiititaliaq: Siulersuisut tamarmiullutik

Akissarsiaqartitsinerimut ataatsimiititaliaq: Siulersuisut siulittaasuat siulittaasullu tullia, kiisalu siulersuisuni sulisut sinniisaat ataaseq.

Toqqaasarnermut ataatsimiititaliaq: Siulersuisut siulittaasuat siulittaasullu tullia, kiisalu Ole Nielsen, Nielsen Capital Management Fondsmæglerselskab A/S-imeersoq.